

mezuru vian veston Z; ~ la fruktoj oni arbon ekkonas Z; birdo kanlas ~ sia beko Z; ni ĉiun homon traklos ~ lia merito Z; ne respondu al malsaĝulo ~ lia malsaĝeco Z; mi ripelos ĉion vorto ~ vorto Z; aranĝi ~ alfabela ordo; mi rakontos ĉion ~ ordo Z; ~ la okazontajoj mi decidus Z; danci ~ fluto; (f) danci ~ ies fajfilo Z (blinde agi laŭ ies volo); danciĝi iun ~ sia fajfilo Z; mi disflugigos ilin kiel polvo ~ la vento Z; ~ la krio de koka, luj spiriloj rapidas hejmen Z. 3 Konsideradon de iu aparta karaktero, pri kiu oni asertas ion aŭ atentigas iun (rilate al, konsiderante): la tuma iras ~ rapideco, kian ni ne povas imagi; mi konas lin nur ~ la nomo; ŝi estis la plena portrela de sia patro ~ sia boneco k honesteco Z; li rapide la kapon ~ du duonoj distranĉis; ~ praktika maniero; la soldatoj marŝis ~ perfekta ordo; la aĉetantoj aperis k malaperis ~ senĉesaj vicoj; via stilo progresas ~ precizeco; fali ~ sia luta longeco Z; esp-o posedas senkomparan superecon, ĉu ~ la vidpunkto praktika, ĉu ~ la vidpunkto literaturo (Kp EL 3); ~ la unua rigardo, tio ŝajnas facila. (Kp EN 5, AL 1, PRI, PER). 4 Iradon de unu ĝis alia fino de objekto aŭ spaco, kies bordon aŭ direkton oni sekvas: iri ~ la direkto Z, vojo Z; mi kondukos vin ~ la vojo de saĝo Z; li ekiris ~ tiu ĉi rivero Z; li amis promeni ~ la tombejo; nuboj nigraj, pelataj de vento, rapide kuris ~ la malafabla ĉielo; ~ lia ruĝa vizaĝo fluis ŝvito (Kp LAŬLONGE DE, TRA).

11^e Vortero samsignifa: ~a. Konforma al. ~gl. Konformigi: ~igi la parolon al la penso.

111^e Prefikso samsignifa: ~mezure Z; ~peze Z. ~lrl (tr). Iri laŭlonge de: ~iri la riveron. Kp PRETERIRI. ~eble. Tiom, kiom estas eble. ~longe. Laŭ la pli granda direkto: trairu la landon ~longe k ~larĝe Z.

* Laŭbo. Artefarita volbo el foliaro aŭ arbotoj en ĝardeno (ordinare subtenita per diversspeca subtenilo): ~o el bastonoj kunplektitaj de konvolvuloj k pizoj B.

* Laŭdi (tr). Esprimi aproban, favoran opinion pri meritoj, kvalitoj de iu aŭ io: ~i iun, ies-agon; kiu sin mem ~as, liun neniu aplaŭdas Z; ne ~u la laĝon antaŭ

vespero Z; oni ~as homon laŭ lia saĝo Z; funebra ~o de mortinto; ~inda konduto. Kp APOLOGIO, PANEGIRO, APOTEozo, FLATI. Vd ĈIELO. Mal~i (tr). Esprimi malaprobajn opinion pri (Kp KRITIKI, VIPI).

laŭdano ☞ ☞. Likva medikamento, kies bazo estas opia alkoholaĵo k kiu estas uzata por kvietigi nervojn.

* Laŭro. 1 Ĉiamverda arbeto (laurus). 2 (f) Simbolo de venko, sukceso: la ~oj de la gloro; ~e kroni triumfinton; rikolti ~ojn (multe sukcesoj).

Laŭreato. Persono, kiu ricevis premion en konkurso.

laŭrentlo ✱. La malsupra geologia formacio de la primara epoko.

* Laŭta. 1 Forte, intense aŭdebla: ~a voĉo, ĝemo, krio, sono, bruvo, rido, ĝojo; ĉi tie precipe la printempo estas ~ega, plena je bruvo de la riveroj B; ~e ridi, plori; ~e legi; ~e eldiri sian opinion; ~igu polence vian voĉon Z. 2 Emfaza, efekta: ~aj frazoj Z, projektoj; Volapük povis nur pase entuziasmi la homojn sub influo de ~aj reklamoj Z. Mal~a. Malforte, apenaŭ aŭdebla: mal~e flustri en la orelo; la neĝo mal~igas la bruon de la paŝoj. ~parolilo. Aparato por ~igi voĉon aŭ sonon.

* Lavi (tr). Purigi per akvo aŭ alia fluaĵo: ~i tolaĵon, glasojn, tapiŝon, makulojn, al si vizaĝon; for~i makulon Z; li ploris tiel forte, ke la grajneto el~igis el lia okulo Z; (f): fari al iu bonan ~on Z (severan riproĉon. Vd TANI, PREDIKI, LECIONO) la ondoj ~as la rokojn; pri tiu afero mi ~as al mi la manojn Z (mi ne prirespondas pri tio); ~u de la malbona vian koron Z. Kp GARGARI, BANI, LESIVI. ~unil (tr). Kolorigi surpaperan desegnon, etendante maldensan akvan kolorilon k pli k pli intensigante la nuancojn per plurfaj frotado de peniko post sekigo de antaŭa kolortavolo (Kp TUĈI).

* Lavango. Negamasego rulfalanta de monto: (f): ~e kreski (pliigi senĉese k rapide kiel rulanta neĝbulo); ~oj da homoj, da vortoj, riproĉoj, mensogoj; ~o da indigno ruliĝis de unu angulo de la lando ĝis la alia. Kp TORENTO, PLUVO, HAJLO.

Lavendo. Veg. el labiacoj, kun bonodoraĵoj frotejoj uzataj en parfumado (lavedula).